



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის

ბ რ ძ ა ნ ე ბ ა



KA030133340102620

№ 01-513/ო

23 / ოქტომბერი / 2020 წ.

**2020 წლის 31 ოქტომბრის არჩევნებში ამომრჩეველთა მონაწილეობის ხელშეწყობის
მიზნით გასატარებელ ღონისძიებათა შესახებ**

საქართველოს საარჩევნო კოდექსის 31-ე მუხლის მე-5 და მე-8¹ პუნქტებისა და 199-ე მუხლის, „სტაციონარულ სამკურნალო დაწესებულებებსა და იზოლაციაში (კარანტინი, თვითიზოლაცია) მყოფი ამომრჩეველების 2020 წლის 31 ოქტომბრის არჩევნებში მონაწილეობის, საარჩევნო უბნებისა და სპეციალური ჯგუფების შექმნის, ზოგიერთი საარჩევნო ღონისძიებისა და სანიტარიულ-ჰიგიენური მოთხოვნების განსაზღვრის შესახებ“ საქართველოს ცენტრალური ადმინისტრაცია/საქართველოს ცენტრალური საარჩევნო კომისიის 2020 წლის 19 ოქტომბრის N45/2020 დადგენილებისა და „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს დებულების დამტკიცების შესახებ“ საქართველოს მთავრობის 2018 წლის 14 სექტემბრის N473 დადგენილებით დამტკიცებული დებულების მე-3 მუხლის „პ²“ ქვეპუნქტისა და მე-6 მუხლის მე-2 პუნქტის „ა“, „ბ“, „ო“ და „ქ“ ქვეპუნქტების საფუძველზე,

გ ბ რ ძ ა ნ ე ბ ა:

1. 2020 წლის 31 ოქტომბრის არჩევნებში ამომრჩეველთა მონაწილეობის ხელშეწყობის მიზნით, საქართველოს ცენტრალურ საარჩევნო კომისიასთან საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს (შემდგომში - სამინისტრო) და/ან მისი სისტემის მიერ ამომრჩეველთა შესახებ საჭირო ინფორმაციის დროული და ოპერატიული მიწოდების პროცესების კოორდინაცია დაევალოს სამინისტროს შრომის პირობების ინსპექტირების დეპარტამენტის უფროსს - ბექა ფერაძეს.

2. სამინისტროს შრომის პირობების ინსპექტირების დეპარტამენტის უფროსს - ბექა ფერაძეს მიენიჭოს უფლებამოსილება:

ა) სამინისტროს სახელით მოითხოვოს და მიიღოს კანონმდებლობით გათვალისწინებული შესაბამისი ინფორმაცია, რომლის მიწოდებაც ევალება სამინისტროს საქართველოს საარჩევნო კოდექსისა და „სტაციონარულ სამკურნალო დაწესებულებებსა და იზოლაციაში (კარანტინი, თვითიზოლაცია) მყოფი ამომრჩეველების 2020 წლის 31 ოქტომბრის არჩევნებში მონაწილეობის, საარჩევნო უბნებისა და სპეციალური ჯგუფების შექმნის, ზოგიერთი საარჩევნო ღონისძიებისა და სანიტარიულ-ჰიგიენური მოთხოვნების განსაზღვრის შესახებ“ საქართველოს ცენტრალური ადმინისტრაცია/საქართველოს ცენტრალური საარჩევნო კომისიის 2020 წლის 19 ოქტომბრის N45/2020 დადგენილების შესაბამისად;

ბ) გამოიყენოს კომუნიკაციის სხვადასხვა საშუალებები (მათ შორის, ელექტრონული ფოსტის მისამართი: info@moh.gov.ge) ინფორმაციის დროულად და შეუფერხებლად მიღებისათვის.

3. დაევალოს სამინისტროს ადმინისტრაციის საზოგადოებასთან ურთიერთობისა და საინფორმაციო/საკონსულტაციო მომსახურების სამმართველოს „საქართველოს საარჩევნო კოდექსის“ 199-ე მუხლის მე-3 პუნქტის შესაბამისად, მოთხოვნის შესაბამისად დაუყოვნებლივ უზრუნველყოს, კენჭისყრის დღეს საარჩევნო უბანზე კენჭისყრაში მონაწილეობის მისაღებად ადგილზე გამოცხადებისათვის, ამომრჩეველზე ცნობის გაცემა, რომლითაც დასტურდება ამომრჩეველის იზოლაციის (თვითიზოლაცია/კარანტინი) ადგილსამყოფლის დატოვების ფაქტი და თარიღი.

4. დაევალოს სამინისტროს შესაბამისი სტრუქტურული ქვედანაყოფებისა და სამინისტროს სახელმწიფო კონტროლს დაქვემდებარებული სსიპ-ების ხელმძღვანელებს, უზრუნველყონ აღნიშნული ბრძანებით გათვალისწინებული პროცესების ხელშეწყობა.

5. ბრძანება ძალაშია ხელმოწერისთანავე.

საქართველოს ოკუპირებული
ტერიტორიებიდან დევნილთა, შრომის,
ჯანმრთელობისა და სოციალური დაცვის
მინისტრი

ხელმოწერა/
შტამმკვეთი
ელექტრონულად



ეკატერინე ტიკარაძე